

四庫全書

集部

欽定四庫全書

集部

蘭庭集卷下

詳校官編修臣翟槐

中書臣劉源溥覆勘

覆校官中書臣康儀鈞

校對官助教臣羅萬選

謄錄監生臣李元雋

欽定四庫全書

蘭庭集卷下

明謝晉撰

客感醉中偶成

旅館夜沉沉挑燈坐獨吟不緣愁易醉那覺酒杯深

題滕王閣圖

巍巍高閣瞰清波  
闌外時聞響佩珂  
蛺蝶圖成人已去  
朱簾不捲雨來多

送顧掾秋滿之京

罷閱案間牘復辭江上家千山迎白下一騎入京華

題畫

蒼松影靜白雲閑路轉深谿第幾灣好是雨晴秋色裡  
杖藜隨處看青山

晴雪軒爲李文翰賦

同雲初散見晴空四面軒開一色中光射庭除驕夜月  
寒侵磴戶薄春風不妨待伴長堆積還惜當陽漸化融  
好向尊前歌白苧與君沈醉樂年豐

脩竹塢訪蕭隱士

草堂寂寞西礀坳  
隔林犬吠聲寥寥  
幽人無事不出戶  
送客有時還過橋  
溪上斜陽立將盡  
莎間細路歸仍遙  
明朝秋風桂花發  
卧穩東山誰見招

送醫學盛啟東之京

欲試軒岐學  
相將上九天  
祖陳楓葉下  
席展杏林邊  
暫別燒丹竈  
來登畫船衣  
冠頌日賜  
雨露想承偏

除夕

客邸逢除夕驚看歷又終春回鷄唱裏寒盡漏聲中畏  
老愁添歲安貧嬾送窮圍爐傾栢酒燒燭待東風

立春日喜甥陸懋至

客邊寒已盡喜汝共春來況有鄉園信能無懷抱開辛  
盤初試菜午饌更添杯念我本多寂匆匆莫便回

送季冬科舉

中吳賢季札射策去長安路自雲邊入花從馬上看露  
分丹桂濕風颭綠袍寬會待泥金帖親闡報捷歡

送人村趙九皋

憶昔交游日垂髫即共師年來俱老大君更美丰姿多  
病難為別相貽獨有詩天官名著久行旆莫遲遲

題湯隱君小林居

舊業依東郭林園僅畝餘日來無俗轍歲久似僧居不  
購鄰邊地惟添架上書何時分半榻清話夜窓虛

顧孝子林塘佳趣

甫里幽棲處龜蒙舊宅邊閑居惟奉母高道在希賢林

麓通樵逕坡塘隱釣船  
水漸魚躍錦苔迸筍穿錢  
甘旨慈顏悅春風綵袖  
翩吾將乞萱草分樹北  
堂前

題松磴寒鴉圖

松柏枯欲折日色澹無輝  
雙鶴高翔去寒鴉作陣飛

送前太守徐二丈之京

出守名邦兩任間  
退居田里二毛頒  
更之官去非為老  
乞得身歸便是閑  
蘭棹又辭湖畔宅  
蒲輪漸遠寺前山  
漢庭肯遂中公志  
冠帶應教致仕還



客至

黃葉紛紛擁砌苔柴扉寂寂面峰開  
庭間忽聞兩鴉噪門外不速三人來  
烹葵致敬聊為餉短日頻移且莫催  
知我幽居無別事不妨閑坐更徘徊

題高尚書彥敬畫竹

烟稍漸長拂雲端露葉高垂不可攀  
遺墨未乾人去遠獨留清節在人間

題沈公濟山居五詠

緣浮入山處有石平如砥風雨長苔痕還從風雨洗石白坡

幽谷夏已深槐柳陰初合清晝落花風禽聲自相答清陰谷

山客經旬出林花日將謝風吹磻戶開麋鹿眠床下山齋  
緝茅春墅中日夕亂峰遶昨夜杏開花春風吹碧草野亭  
竹遶石泉生泉流竹根出澗底有新梢山中知夏日竹磻

題寶積寺八詠

平湖澄碧鑑虛閣  
瞰清波有月心同賞  
無風水自磨鏡

清

楞伽千載室蘭若一函經  
為問看經者年來幾百齡

楞伽

影向湖波落青臨梵宇開  
上人趺坐日高處作層臺

青蓮

一逕蘿霏襍冥冥  
埽不開空中聞錫響  
知是有僧來白雲

碧甃寒相對滌滄西復東不緣居一地那得兩心空

雙冷

泉

石逕穿雲去山亭傍路安坐來清潤積吟袂欲生寒

翠微

亭

層樓面滄海月出預能期想是憑闌處人間未見時

先月

樓

欲識古人趣當玩古人心古人既自得視古猶視今

玩古

軒

支硎山十二詠

楞伽開淨域聞自道林興山水清佳處由來半屬僧  
楞伽

林中禪寂地古木叢青靄當年結屋人惆悵今何在

附沈大本  
作下同

平池澄曉鑑虛閣涵秋月時有煉形人閑來照鬚髮  
池南

丙穴暗泉通清漪浸碧空白蓮秋未老魚戲葉西東

寒逼禪僧定涼醒醉客眠戶樞從不蠹歲月任推遷  
石室

鑿石客趺坐還將石作床山中當夏日此處獨清涼

鑿石破蒼苔青天地底來夜深寒月印疑是曉奩開

八隔

泉池

不作方圓甃池形似塔形雲光來復去孤影湛亭亭

峭壁擁雙扉亭亭夾翠微山靈雖解設不禁白雲飛

石門

設戶防來往兩崖相對青山僧無一物入夜不須局

空壑積陰晦層崖沍冰雪下有清冷泉終年流不歇

寒泉

飲來如雪味入口帶天香流出空山去能令天地涼

追風歸似鐵留跡向山深神力猶訶護苔痕不敢侵

馬跡

石

支公有駿馬已騁千里道留跡在空山猶戀山中草

日出衆山宵月落衆山黑朝來捲幔看氣勢凌秋色

南峯

迴峯帶秋色蒼翠聳晴昊澗底有寒梅年年著花早

詩人一壺酒待月升東嶺松壑起清聲山風吹上影

待月

嶺

入谷路已昏遠寺鍾聲歇烟中人語喧歸樵待明月

涓涓清澗中長洗山僧鉢還將鉢盛去瀉向玻璃滑

碧淋

泉

泉流苔石下潏潏映空碧上有疎篁枝蒼蒼同一色

久養籠中鶴如何却放歸不知初放日曾別主人非

放鶴

亭

放鶴人何在孤亭橫翠微客來亭上坐惟見白雲飛

頭角昂藏出經春卧夕曛無人來問喘噓氣自成雲

牛頭

峯



嬾隨年共化獨卧空山裏時有牧童來長鞭驅不起  
夏日過陳孟敷書館寫畫詩

廛居城北苦湫隘况復維時當九夏黃埃飛揚盈坐隅  
南薰不到庭軒下清晨遠策偶尋幽來訪陳蕃讀書舍  
竹樹蕭森風滿林圖史紛紜籤繞架窓前研具頗幽潔  
侍右童生亦閑雅烹茶掃榻固相延拂拭溪藤需小畫  
嗟余塵垢久填臆欲寫溪山未能暇對此襟懷始覺清  
何各當軒窓揮灑含豪濡墨起雲烟千巖萬壑生虛籟

一幅都無半日成持向高堂便宜掛君家舅氏嚴昌翁  
偶來見之忽驚差賢甥珍重即相惠邀我題詩繼三榭  
坐久吟成興欲闌林梢遠見斜陽下明朝有意更來尋  
仍與君家了清債

畫天池石壁圖送馬谷中還金陵

中吳之山何壯哉羣峯擁翠西南來就中天池秀莫比  
靈境迥出如天台石林青蒼蔽晴晝草碧花香春雨後  
蓮峯倒影落寒波松籟翻聲作金奏蘭若去空不盈尺

山僧住久甘岑寂雲中犬吠有人來烟外鐘鳴知日夕  
憶昔携君行樂時浴沂風味相追隨流觴共藉池邊草  
淪茗還題石上詩憐君別去金陵路嗟我窮年守芸蠹  
每懷清景只依然常恐朱顏不如故今年君隨春共還  
訪我來需畫裏山陰崖石壁纔隱起但見雲霧飛窓間  
明朝持向金陵去故山移入齋居內吟餘時復一披圖  
應念當年共游處

送圓鑑中住杭城海會寺

罷纂金仙貝葉編囊衣又上浙江船吳山樹色春城裏  
蕭寺鐘聲暮雨邊智永終期追草聖貫休不獨悟詩禪  
遙知入院譚經暇試茗還烹第一泉

送觀上人

路轉長干入翠微尋幽常與道人期政忻接席聽談講  
又見停橈話別離上苑鶯花留住久故山猿鶴怨歸遲  
却憐今夜禪窓月更約同看定幾時

送宗李傳住槁李真如寺

加禾南下舊招提唐相裴休故宅居近喜吾師開講席  
正逢賓館罷脩書閑揮塵拂天花灑靜對鴛湖夜月虛  
別去停雲如有念新緘毋吝寄雙魚

送彙木庵上人

琅函脩罷便治裝咲指東吳是故鄉瓶水貯來和澗月  
囊衣披去帶天香雨新苔石趺趺靜風滿襟懷嘯咏涼  
歸到山中猶夏日枇杷果熟待師嘗

送釗上人

鵲鳩啼斷樹陰陰  
官寺俄逢夏已臨  
曉潤行裝梅雨細  
寒驚鄉夢夢秋深  
穿雲還認來時路  
見月應懸別去心  
安得如師歸舊里  
孤琴攜上翠微尋

送吳僧游杭

隨例編摩寄此身  
思家夢繞太湖濱  
山中坐臘辜長夏  
客裏清齋過盡春  
杖錫未游天竺寺  
袈裟先帶玉京塵  
明朝試屐孤山路  
應訪梅花樹底人

題謨上人碧梧山房

一院清陰僅畝餘，碧幢高映小禪居。  
疎花暗墮疑香雪，密葉輕翻訝貝書。  
雨滴秋聲寒砌近，月分涼影夜窓虛。  
枝間棲鳳休驚起，正是山僧入定初。

題恂上人聽潮軒

軒窗遙對海門開，洶洶濤聲入座來。  
欹枕每驚奔萬騎，憑欄時響駭千雷。  
晨興禪客心偏靜，夜語舟人夢已回。  
幾度坐忘聞漸杳，松風吹月上樓臺。

賦得雷峯落照送僧游杭

連山一抹映霞紅  
粧點西湖晚景濃  
長送釣船歸遠浦  
還催僧寺起疎鐘  
浮圖插漢光相射  
高樹懸崖影漸春  
欲借魯戈揮暫駐  
照師飛錫過前峯

寄浦山人

自脫登山屐便違  
泉石期緣封林下  
蘚紫老澗阿芝猿  
鶴秋應怨烟霞暮  
亦思西風叢桂發  
要擬是歸時

雨中王明府招飲是夕就宿期陳士初不至

雨歇杏園暝紛紛  
客散時主能延共  
宿君獨負幽期漫



剪西窓燭空烹南澗葵鳥啼殘酒醒達曙罷相思

賦得靈巖懷古送瑤上人

吳宮成梵剎銷歇尚遺名臺峙荒琴薦池存涸研泓綺  
羅無復見泉石有餘清相送師歸去重增弔古情

陌上逢琵琶女

朝抱琵琶出暮抱琵琶還琵琶聲不改人自老容顏

送天界寺僧歸苔溪

玉磬山前看駐錫龍河寺裡罷聞鐘苔花開遍溪南雨

歸去何時便得逢

七寶泉

鄧尉山中七寶泉  
味如沆瀣色如天  
半泓清淺無窮脉  
一線長流不記年  
剡竹引歸香積內  
試茶烹近白雲邊  
我來酒渴仍秋熱  
嗽盡餘酣就石眠

題畫

黃鶴磯頭望秋色  
霜醉寒楓照人赤  
西風吹鴈落衡湘  
天影波光共涵碧  
空林有客來何處  
狼籍壺觴各沉醉

酒船橫放荻花中坐對青山不歸去年來我亦厭黃塵  
欲向滄州寄此身終當謝却塵間事同作沙鷗社裏人

漁父詞

水是儂鄉舟是家白蘋風外釣絲斜樵青自作滄浪調  
驚起雙鳬出浪花

秋日雨中白門寫懷

秋雨長安陌經朝只閉門陰雲連白晝燈火易黃昏屋  
漏頻移席囊空久棄樽故鄉未黍熟何日到江村

與盛醫素自吳同舟次孟子河洋口四首

風逆舟難進潮生日又斜已知江口近岸上有人家客  
路行將半鄉關望漸賒如何一年裏兩度入京華

江上寒驚早秋深未授衣停橈先問酒登岼試敲扉鳥  
下烟汀盡帆投莫島稀榜歌聲漸杳浦樹遠沈暉

空江烟霧裡渺渺望中賒雪擁潮頭白風飄雨脚斜亂  
蛩鳴岸草一鴈宿汀沙夢裏聞歌處蓬窓近酒家

萬頃蒼茫際風帆瞬息間賦詩同俊逸把酒對江山白

鷺明秋髻丹楓照醉顏  
宦情兼旅況徒羨釣舟閒

陌上見杏花

赤闌橋畔粉牆東  
杏子花開樹樹紅  
自是陌頭春色好  
賞心不與故園同

春日寫懷

好懷無復似前時  
一半春過尚未知  
惟有白門橋下柳  
見人憔悴也顰眉

題郭宗儀半野軒

竹樹縈迴帶板橋一溪流水隔塵囂成村只有三家近  
去郭都無四里遙春雨樓臺窓裏岫寒宵更鼓枕邊譙  
湖田眇眇山塘路烟月平分景倍饒

送任二尹復官吳縣

考績曾聞謁紫宸俄看征櫂別江津郎官拜去雖依舊  
雨露承來又一新古縣花明千樹曉重城柳色萬家春  
知君德化吳民久風俗從茲想更淳

中秋夜坐

白晝雨如注黃昏雲漸開  
冰輪時露影金氣淨無埃  
棲泊從萍梗情懷付酒杯  
故山叢桂發應待達人回

送金徵士問應書誥薦

金卿二十即能文  
染翰爭誇過右軍  
用筆不愁窮兔穎  
臨池惟愛弄鴛羣  
常年閉戶稀曾出  
一日佳聲遠自聞  
忽覩薦章從聘召  
為書皇詔錫功勛  
治裝早已辭親舊  
拜手明當謁帝君  
花底傾來杯欲盡  
柳邊攜處袂將分  
嗟余蠖守依環堵  
羨子鵬搏在五雲  
聖代英材超往古

家鷄野鷺任紛紜

秋暮客懷

打窓風雨響天氣為催寒菊到重陽  
綻人生幾度看酒樽須放滿懷抱  
且教寬漸老無兄弟誰能救急難

朝來

朝來重覽鏡白髮漸看生不畏年將老  
深憂業未成江山隨處景松菊故園情  
近喜疎盃酌抄書得眼明

秋晚



久客清溪上深秋古巷西井梧將落盡籬菊未開齊門  
掩瀟瀟雨塗深滑滑泥凭軒時引領觸處暮雲低

孤雲

纔看生石上倏在太虛中停處長依日飄來不待風既  
能無着礙一任自西東會見從龍去為霖建大功

逢沈以潛

何處移來一艇閑褰衣同憩樹陰間自緣別久多情話  
不為看山忘却還

卷下  
答繆撝見寄

人間無伯樂誰識是龍媒  
君意青雲久吾年白髮催  
大寒推守火清夜只書灰  
消渴雖長病還思露一杯

元日客懷

四年元日客京塵  
孤館今朝復見春  
座上青氍於我舊  
鏡中華髮為誰新  
屠蘇入手思兒輩  
萱草回芽憶老親  
澆酒願身從此始  
儒冠長作太平人

春思

東風吹雨正簾纖春色和雲壓四簷聽斷鶯聲殘醉醒  
杏花香底坐鈎簾

雪晴

瑤華一夜滿長安拂晚鸛裘愈覺寒地接陰涯全積聚  
路當陽處盡消殘烹茶未許陶家掃咏絮從教謝女看  
遙望鍾山霄漢際迥臨金闕玉龍蟠

雪晴早行

薄雪封雙井層冰沍六街馬蹄聲蹴蹴雞唱韻喑喑寒

切詩人骨晴舒旅客懷何時歸舊里旭日卧閒齋

己丑歲初度

縉也東西南北人年年初度喜逢春却憐父母生吾日  
便有乾坤著此身梅萼折來香滿袖蓼莪誦罷思沾巾  
多情兩炬緋羅燭映席生花報喜頻

春雪

臘前未肯呈祥瑞春至憑誰為剪裁知是東皇均布澤  
園林無樹不花開

瑞香花

紫錦香囊細簇攢開時長得在春前丰姿只許江梅並  
不讓山樊與水仙

承天門謝恩值雨

隨例趨朝拜賜金俄逢晚雨到瓊林布衣不覺重重透  
恩澤霑來分外深

懷僧智圓

五臺山下雪紛紛謫去孤僧萬里身他日蒙恩歸舊寺

休將衣鉢浪傳人

春寒

一冬賸有三春暖二月都無一日晴  
雨雪載塗泥滑滑黃昏猶未斷人行

送韓伯永侍父扈駕之北京

六龍扶駕擁旌旄之子從親豈憚勞  
定省常時趨直舍旨甘隨處奉行庖  
春回輦路生瑤草日照班衣映絳桃  
聽徹簫韶成九奏紫垣星拱卿雲高

題卞野夫便面

翠幕清風小畫船  
晚涼移近綠陰邊  
酒酣半倚蓬窓下  
閒聽吳姬唱採蓮

春宵

博山香裊篆烟移  
綠甌無聲玉漏遲  
風動花枝窓外影  
半庭明月酒醒時

送陳耘初任御史

太平隄畔柳條黃  
訟簡烏臺日正長  
驄馬乘來朝下早

春雲飛入繡衣香

闢鷄

昂尾高冠芥羽班幾年無敵向場間  
莫言死闢成何事  
供奉朝來賜錦還

戊子歲四月十有七日陪金正字問馬校理敬游  
龍江過張茂異書館二十韻

聖節朝會畢文士豫清暇偶陪二三子追隨石城下  
忽作龍江游輕舠得同駕晨風清且徐川流逝如瀉  
蒼茫



一葦寬梳檣萬艘隘浦淑多人家  
陂塘少蒲稗露晞日已燠芳景當  
首夏締綌換春服丰姿耀晴野稍稍  
路將近行行舟遂捨張生頗好事態  
度通閒雅况復有難弟見客即迎迓  
趨前致長揖邀我入廬舍却登池上樓  
還眺風邊榭槐柳高覆闌茶蘼廣盈架  
芸香散紺帙金碧絢圖畫清談殊未極  
展席陳壘罍殷勤起相勸情意美無價  
懽飲不記籌酣歌那肯罷坐覺天際岑  
沈沈夕陽下匆遽入巖關鐘聲促昏夜

題吳興薛希賢清遠詩卷

聞說吳興地幽深遠市朝千村同澤國一境斷塵囂四  
塞山橫浦南潯路帶橋衣冠猶尚晉民物况逢堯蠶趁  
晴時浴桑依沃壤條繭絲從舊稅保障減新徭烟暖苔  
花吐波寒艾葉銷吳姬朝擲杼估客夜吹簫霜斷漢多  
蟬風行樹有蜩看雲凭草閣聽雨卧蘭橈野色行常挹  
嵐光坐可招最憐君住處更覺趣清標蘋外鷗盟狎松  
邊鶴夢遙捲簾涼未度迎扇暑先消逸興詩千首閒情

酒一瓢源開桃灼灼門掩竹蕭蕭翠聳巒融雪紋生浪  
漱颺傳模停采筆移寫費生綃杜牧風流在玄真逸思  
饒他年容卜築來此老漁樵

贈庶吉士楊宗勗

高居深巷有餘清垂柳陰陰戶半扃軒下盆池寒湛碧  
階前湖石翠為屏幾年染翰趨青瑣長日承顏戲綵庭  
我欲問奇重載酒不妨聽講太玄經

贈南昌朱鍊師

鍊師南昌人去年游園來寓神樂  
觀今春將還告別賦此以遺之

南昌巍巍紫極宮樓閣縹緲如方蓬中有一人神氣充  
道與許遜相叅全追逐宋倫彭諶宗名籍早入丹臺中  
鬢髭皓皓顏如童電光炯炯雙青瞳羽衣五綵雲霞烘  
綦綦冠戴金芙蓉袖藏神劍蒼精龍一揮妖魅俱潛蹤  
呵叱雨師鞭雷公驅送將吏如奴僮羣迷普濟德愈崇  
下與塵世甦疲癯凌攝梵氣邀蒼穹幹旋造化多奇功  
昨聞游閩訪仙翁山川歷覽興莫窮逍遙未欲棲崆峒  
還來玉京朝九重相依弟子園邱東借榻霞房金碧叢

廣庭香蕪烟洪濛滿座喜氣排寒冬我嘗問道叅儀容  
欣然接引坐高春致言授我啟愚蒙頓除凡火燒心胸  
春光淡沲天宇融倏焉歸思如春濃清宵飛夢依巖松  
丹爐火伏微生紅朝來別去何匆匆飄然騎鶴凌太空  
空中環佩聲瓏瓏招我共往那能從何當遠駕洞庭風  
滕王閣下重相逢

會真詩四首

香閨未暝已成妝坐待殘暉下粉牆阿母初眠深院靜

魂神多半出西廂

溥溥玉露濕庭莎不覺涼侵襪底羅自是夜深心胆怯

却嫌行處月明多

衣褪香肌瘦不勝侍兒扶至困騰騰莫言良會春宵短  
猶勝前時獨背燈

月淡星微夜漸分百年心事在逡巡無端侍女頻催去  
香散空齋不見人

三憶效香奩體

情隨飛絮遠悠揚夢繞梨雲去渺茫憶得芳卿春睡覺  
含羞嬾下合懽床

曉鶯啼歇曙烟收花氣薰籠日影浮憶得起來相伴坐  
綠陰深處看梳頭

梨園樂府羨才名傳得龐師指下聲憶得小軒明月夜  
倚床微醉聽鳴箏

送監生馬純玉歸省

五載編摩近紫宸一朝歸省出成均馬周辭闕丹心在

萊子趨庭綵服新  
山店酒香寒駐馬  
江亭月色暮留人  
東風又綠瀛洲草  
回首鄉園總是春

七夕舟次圖山渚

月暎圖山暑氣收  
今年七夕在歸舟  
穿針未及臨池榭  
乞巧何妨倚柁樓  
烏鵲盡從今夜去  
銀河遙接大江流  
酒醒起坐看牛斗  
擬泛靈槎天上游

送常上人住蘇城天王寺

巍巍梵刹古宮邊  
講席新登況盛年  
山迥柳橋聞錫振



林開槐市見燈然芭蕉綠上翻經葉簷蔔香飄煮茗烟  
好對清風揮玉麈蓮花漏底坐談玄

題畫

石路仙源無盡頭山花漂歇水還流衡門綠樹春風裡  
時見人來杖履游

題雪梅羣鳥圖

洲上寒多雪未消雨竿風竹翠脩脩莫言衆鳥來喧集  
今夜梅花正寂寥

賦得千人座送沈寅仲

林下盤陀石山中不記春地看無一畝客坐僅千人雲  
護平如砥苔封厚似茵祖筵從座設懽會在逡巡

挽圓鑑中上人

憐師遠謫去臺山長路漫漫竟不還身伴孤雲埋雪嶠  
魂隨片月到松關聲名擬傳高僧裏詩卷空留百世間  
欲向禪窓歌楚些那堪雙袖淚潸潸

七夕二首

烏鵲成橋處銀河湛欲流月隨穿線女香散曝衣樓天  
上逢今夕人間幾度秋靈槎如有便還許客星游

百子池邊灝氣清蛛絲旋繞夕風輕鸞機停賦天孫錦  
鶴駕迎吹子晉笙玉露洗開秋萬里銀河瀉盡漏三更  
誰家兒女深閨裏乞巧時聞語笑聲

謝人惠鏡

明鍊由來在刮磨此心如水平君何不因遠寄蕭齋底  
白髮那知有許多

送杲上人住杭皋亭山寺

纔看白下駐旛幢，又見浮杯渡浙江。  
山峙皋亭清有幾，師如荆玉美無雙。  
巖前虎伏晨聽法，池上龍游夕受降。  
聞說楊梅味偏勝，筠籠滿摘寄吟窓。

燈夕後二日雨中盛子勉招飲就宿金文鼎清風樓

西園飲散暝煙浮，南市燈昏雨未收。  
歸路誰憐狂客醉，出門深感故人留。  
梅飄絳雪香侵榻，竹撼清風翠遶樓。

殘酒醒來渾不寐獨吟詩句擁寒裯

辛卯花朝偕沈二秀才壁蘇校書復游南郊二首  
南郊春色好况復是花朝佳興隨時偶清游不預招壺  
觴雖有限山水益何饒更待清明約重過白下橋

拂曉出都門長干日已曛聞歌桃葉渡沽酒杏花村公  
等文章溢吾儕道義存佚遊非所樂風詠總堪論

題畫次周履道韻

竹窓微雨晚尊涼芸几無魚帙有香憶得日家隣虎阜

繫迂林木帶山塘

題溪山春雨圖為淞江金文鼎賦并畫

春雲作陰知幾日春雨連朝踈更密浦樹含滋山氣昏  
杜若生香溪水溢霜微潤物聽無聲霖霖如膏似有情  
多處人家踰冷節幾株榆柳變清明橫塘路轉林亭側  
賈船漁艇晝停息鵲鳩聲靜鷓鴣啼滑滑深泥行不得  
東山癡客興尤佳冒雨從容立水涯短屐緣溪粘碧蘚  
飛蓋張油映綠槐浮漚滿汀波不起喚得渡邊舟欲艤

應近隔岬野人家相約晴來看桃李聞說高人住處清  
九峯三泖在簷楹還憶東郊勸農日時將簑笠餉春耕

題畫馬

發跡斷從冀北來無人不道是龍媒如何飽食天閑粟  
猶向平原習草萊

三月晦日

忍見紅驚墮那堪泪暗垂客懷春盡日歸夢夜深時故  
國鶯聲老他鄉髻影衰破除無別物終藉酒盈卮

題莊公瑾所畫春山林館圖

畫堂未畫簾高捲佳樹欣榮春意遠弄晴天氣雨霏霏  
幾日陰寒風翦翦重屏映烘雲母薄遠岫愁橫眉黛淺  
微紅輕折短牆桃新碧暗生閒砌蘚春水平堤杜若香  
紅橋隔岸垂楊軟藥欄人睡亂啼鶯花逕客稀閑吠犬  
青籠老人漆園吏平昔丹青共稱喜前年作客鳳皇州  
一室清幽大如靈常時適意恣揮灑從把襟懷漫舒展  
人間一幅重千金直即此圖世尤尠何當置我碧窓前



長日看書自消遣

清明

柳暗春城絮正飛  
曉寒猶怯試羅衣  
塵中車馬香風隘  
牆裏秋千笑語稀  
炊散榆煙來客舍  
香隨杏酪到隣扉  
相逢日暮天街上  
無處游人不醉歸

寄張德裕

余昔在鄉里佳樹接芳園  
今來游上國復獲常討論  
當春惜散策暇日翫清尊  
幽悰並無託欲與靜者言

溪上

金飈散林樾碧篠餘禽哢天淨生岑迓波澄鏡湖空渺  
渺渚鷗前漁艖夕陽送

送蘇監生復還家

纔辭東觀入成均又見治裝去謁親為客情懷如昨日  
到京才學勝他人歸遲莫訝縫衣舊志遂應當戲綵新  
想是今年除夜酒團樂坐待故園春

送吳敏學還吳省親

雙親白髮老東吳  
令子丹心向帝都  
正及歲寒歸故里  
不辭雨雪載長途  
無人似爾情偏厚  
有酒如澠興不孤  
他日相思凝望處  
暮雲春樹總模糊

游神樂觀

烟霞縹緲接鐘山  
舉首天壇只尺間  
地滑醴泉來玉甃  
風飄神樂下仙闌  
壺中月冷梅初白  
洞口松寒鶴未還  
欲就丹房傳秘訣  
還從羽客駐紅顏

極目

極目吳頭水樓身白下門艱難愁疾病寥落怕黃昏泣  
血親俱歿傳家子獨存幾年歸未得心事向誰論

題醫士景文偉秋林讀書圖

踈峯澹秋色遠水涵晴旭梧篁迭映蔚蒲葦相依綠幽  
人日無事覽賞澄心目手持軒岐書步入松齋讀時聞  
伊吾聲浪浪出林麓誰能悟攝生寡嗜恒自足

醉歸

有客招暮飲值找出未歸掃門俟良久剪燭頻光輝賓

朋時在席童子還開扉  
蹙然屐聲至接引褰重幃  
相見即懽悅滿座生春暉  
沉飲不計籌欲起屢牽衣  
入門已三鼓銀漢星斗稀  
隣雞鳴喔喔朝馬去駢駢  
宿醒未能解旦氣存幾希  
醒醉日復日世事竟相違

題劉孟功竹深處二十韻

高人畱客處萬頃綠雲中  
清悶渾無暑涼陰不待風  
交枝迷翡翠接葉隱房櫳  
俗地無塵到仙壇有路通  
影篩金瑣碎聲雜珮丁東  
栖宿看儀鳳翱翔下顯穹  
楚雲朝

暝冉湘月夜空濛林暗容春鳥庭寒避暑蟲蕭騷依枕  
簾音韻合絲桐酒或眠看醒愁同對坐空粉痕銷舊鐸  
雨色翳新叢裁笛從江叟為竿任釣童屐粘苔逕碧窓  
映露燈紅借看隨人興何須問主翁還持蒼玉杖來扣水  
晶宮溪逸情偏遇林賢趣未窮虛心君子並勁節古人  
同幾見凌霜雪孤高倚華嵩淇園秋漸晚吳苑歲將終  
宜隱簷簷谷深藏造化功

題蘇性初秋林學舍

金飈初動蟬鳴歇雨過輕涼散清樾佳士研精不下帷  
驚見素商隄八月林疎几淨絕纖埃長日書聲隔崦來  
朱露滴殘楓葉老芸香過盡桂花開人生等閑駒過隙  
羨子青年勤努力夜窓燈火喜相親平砌分陰知更惜  
嗟余廢弛竟無謀筆硯荒蕪幾度秋年光逝水追何及  
時向西風嘆白頭

深冬

深巷家家雪蕭齋處處風年華看漸老詩興轉無窮更

約尋梅伴還依曝背翁艱難經歷遍不覺尚飄蓬

冬夜

落日下平原幽齋向昏黑朔風四座來寒月澹無色青  
燈輝耿耿形影在空壁時方畏嚴凝兀坐起未得家僮  
侍其傍為我長太息入厨具杯酒園蔬夜挑摘殷勤置  
几前相勸飲涓滴徘徊酌且盡塵慮俱蕩滌長吟復高  
歌時將唾壺擊馬知醉漸醒轉復動愁臧念彼故園中  
兒女在家室寒更擁地爐斯時正岑寂相思不相見今



夕復何夕起望牛女星迢迢河漢隔

題沈克全鶴沙八詠

海日空濛裡仙山縹渺間樓前人指點嵐際鶴飛還

海

晴嵐有

招鶴樓

靜夜往來絕垂虹跨秋水兩岸綠楊中人家明月裡

虹橋

夜月

聲動霜飛華聲沈月低影客舟將夢回聞時發深省

潮音

晚鐘

寒塘潮漸滿暮艇赴潮歸人語烟中集鳥驚樹上飛

塘賦

晚棹

春雨濡膏澤東莊足一犁農歌聽漸宵烟樹望中迷

東莊

春雨

閃閃落霞邊飛鷺去兩兩返景入西灣復照淒暑上

西灣

夕照

翟公有故園客散罷歌舞不知翟公先此地曾榛莽

翟公

故園

彭仙乘鶴去閑室闕松陰明月自來照白雲閑到今

彭仙

閑室

### 還家

舊業山塘半蕭蕭屋數椽琴書總零落風景只依然高  
樹殘陽裏青山暮雨邊歸來秋尚早隨處嫩涼天

### 登天平山白雲亭

白雲泉上白雲亭京國歸來喜重登欲試座間誰老健  
酒酣先上最高層

咏蘭

只合度琴成雅操不須紉佩惹清風若非歲晚幽香在  
何異蓬萊隱谷中

題竹

夢醒虛堂月半斜  
兢兢涼影拂窓紗  
恍疑人曳青鸞尾  
來向閒庭掃落花

甘露瑞應詩

鑾輿曉出都門外  
狩獵平原為觀稼  
千村雞犬寂無聲

萬騎經過肅嚴戒維時孟冬若春深和氣融融滿空界  
乃知德澤符天心釀此甘液垂沆瀣紛紛點綴松栢間  
燦若明珠照迴駕葉上迎風色愈堅林間暎日光相射  
賜時頓減詞臣渴嘗處即起吾氓賒小人何幸覩清平  
獻納遙臨玉墀拜

贈中書舍人朱孔易

天上新承雨露濃聲名籍籍冠羣公  
憑心翰墨鍾王繼  
適意丹青顧陸同  
朝後歸來應有興  
閑邊揮灑想無窮

欲持布鼓雷門去常恐雲深路未通

壽金秀才鉉母八十

鉉也慈親壽且康  
鬢髮垂白在高堂  
每逢初度中秋近  
況是今年八十強  
親友懽趨同預席  
兒孫拜舞各稱觴  
雲中冉冉來王母  
持賜蟠桃一顆嘗

題周士原所索余畫

邈得林泉趣  
清幽思不繁  
烟霞渺無際  
竹樹自成村  
地接王猷宅  
湖當賀監門  
山腰雲鎖斷  
澗口雨衝渾  
境勝

民居僻年豐俗尚敦書聲來杏塢漁唱起桃源社散田  
家晚鐘鳴野寺昏濡豪還自適得句共誰論展玩添新  
墨沈吟想故園他年從隱遯此景可攀援

逢偶先生武孟

家住吳門便識荆一時傾蓋若生平每憐遠別知何處  
誰料相逢却在京厠跡忝為前輩友論交已近十年情  
還思虎阜尋僧路松下曾陪杖屨行

雪中次偶武翁韻

頃刻交衢積尺餘翻翻縞帶速隨車寒侵紙帳春雲薄  
光映燈窓夜色虛望斷人來那有棹欲尋梅去恐無驢  
閉門僵卧幾三日枕冷床頭一本書

寄沈徵士壁客窓卧病

憐君卧病值除冬一榻脩然旅寓中枕畔香緘新藥裹  
壁間吟滿舊詩筒寒驚曉砌霜華白暖愛晴窓日色紅  
擬待明朝扶杖起探梅同步石城東

雪中喜周助教洽金正字問張校書譽同訪



羈人兀坐空齋曉雪花撲簾正繚繞忽驚騎從隘荆扉  
恍若羣仙下蓬島入門和氣益如春滿座寒威頓除埽  
相延茗話故遲遲旋置杯盤陳草草舉酒高歌白苧辭  
未醉情懷即傾倒却笑舟中王子猷不見山陰戴安道  
喜龔審言見訪

吳下龔高士新從故里來入門丰采舊怜我髣髴毛衰共  
坐論書畫相延置酒杯蕭齋看日莫不得更徘徊

京華

京華卅九載生計只依初詩與年俱老情于世共踈無  
聊還對酒健忘亦觀書欲把儒冠棄他謀恐不如

送馬孝廉敬函骨歸葬

歲月如流水蹉跎髻漸霜全家來上國七載值三喪白  
玉函歸日青山是故鄉雙親正丘首孝義有輝光

長至

喜見微陽復渾忘半點愁日光浮客座和氣藹神州賓  
友慵迎送兒童任去留天時與人事催促未能休

聽雨

骨月辭來久天涯各一方客邊難聽雨枕上易思鄉多  
病驚寒早無眠覺夜長明朝如覽鏡知自髻添霜

寄太學生蘇復省親未至

雪晴時節送君歸今見都門雪又飛別去豈無書繫雁  
相思空有泪沾衣只知近日丹青遍宜念經年故舊違  
肄業終當還冑監孝心莫久戀庭幃

得家書

有子居吳地無書到鳳臺近因謳棹便脩得一封來讀  
罷愁還喜閒時卷復開為言丘隴上松柏重新栽

歸遲

出山容易入山遲落盡松花與桂枝為愛夕陽成立久  
不關逢客話多時

題金正字白雲塢藏親圖

峩峩丘隴白雲深鬱鬱松楸結畫陰拜埽惟兄兄更歿  
展圖官舍倍傷心

懷劉德清

遠別誠何易，重期信覺難。  
相思萬里外，兀坐一燈殘。  
梁苑梅空老，官河雁獨寒。  
間關頭漸白，猶自戀儒冠。

雪中訪金隱士鉉

雪中攜策短林下，訪幽居籬犬先迎客。  
門生罷讀書，笑談雖自愜懷抱。  
為君舒坐久，清如許歸來興有餘。

倦夜

客邊將歲暮，雨雪暗荒郊。  
夜冷衾成鐵，風狂屋卷茅。  
愁

腸縈九曲漏鼓聽三鼓自念身多病經年絕故交

對雪次韻

冰蛾亂撲紙窓鳴凍得銀壺斷漏聲靜擁地鑪添炭坐  
不知天女散花輕他年鬚髯應爭皓此夜襟懷愈覺清  
故友耐寒多逸興遠絨珠玉慰羈情

江雨軒為偶武翁賦

雲脚四簷垂風濤隔幔帷軒中人睡起江上雨來時浙  
瀝篷偏響縱橫葦亂歌渚鷗輕喜浴汀樹遠含滋南浦

深三尺東皋足一犁桑鳩昏逐婦秧馬綠生漪已斷黃  
梅候將臨白露期檣招應被澤締綌恐相疑潤獨琴書  
覺涼先枕簟知榜歌聽漸杳征櫂去何遲渺渺滄洲趣  
溟溟湖海思擬將蓑笠去剪燭夜談詩

送韓伯承還吳

今朝佳節是花朝相送重來白下橋老語生憎鶯舌巧  
新愁翻壓柳眉嬌天街有雨塵還少酒巷無風旆自搖  
咫尺清明歸未及羨君先上木蘭橈

題芭蕉仕女圖

蕉綠映纖裳  
沉吟對夕陽  
妾心無改易  
團扇又炎涼

題狎鷗圖

我生豈有狎鷗方  
鷗自飛來狎我旁  
閑倚滄浪歌一曲  
淡然鷗我兩相忘

清明日郊行有感

鳳臺南下少平田  
舊塚新墳遠近連  
但見清明來拜埽  
那知歲月暗推遷  
苔侵翁仲寒猶立  
草沒騏驎煖尚眠



無限客魂招不得東風落日怨啼鵲

題顧靜像次王孟端韻

秋蘭為珮葛為巾笑裏吟邊總是春莫道似翁閒箇小  
有閒未會作閒人

題仙山圖

路轉仙源無盡頭花飛紅雨暗溪流松根白石春猶卧  
洞口殘棋曉未收杖履逍遙來羽客烟霞縹渺出瑤樓  
誰憐澗底芝空老月滿商山幾度秋

送監生毛彥高歸省

研精胄監歲華深歸省庭闈遂孝心蘋沼香生芹正綠  
石壇花落杏成陰停撓易盡頻傾酒執手難分欲去襟  
想到高堂稱壽日春風簾幙晝沈沈

送監生馮伯禎歸省

柳暗都門絮正飛客舟今日先春歸傍人啼鳥聽來歇  
漂渚殘花坐見稀別去暫離司業席到時重看老萊衣  
明朝堂上供甘旨入饌江魚笋共肥

重送二首

共向江亭把酒卮  
酒酣還復共題詩  
故人歸省懽無極  
他日重來會有期  
親舍白雲看漸近  
行舟綠水去何遲  
依依霽女門前柳  
知見君還定展眉

胄子今朝歸省日  
斑衣近喜沐恩波  
雲開京口山如畫  
風定江心鏡自磨  
歌罷驪駒鄉思杳  
傾殘醺醑醉顏酡  
到家莫訝春將盡  
惟此餘春想更多

陪張譽訪趙山居

暇日偶陪仙侶擢深春遠訪隱君家  
衡門寂靜風塵少  
座榻清幽興趣加  
林下烹葵嘗舊酒  
山中斲笋煮新茶  
阿戎情厚忘歸去  
醉卧山窓月色斜

賦得虎丘送別二首

天上樓臺海上山  
何年移却在人間  
不因此地多清勝  
那得遊人數往還  
望處已添吟詠興  
到時頓解別離顏  
今朝送客同春去  
門外白雲千頃閑

相送瀛洲客  
來登海湧峰  
巖雲騰白虎  
池劍躍蒼龍  
境

勝詩情慳盃深別思濃  
匆匆分袂處高塔夕陽春

漫興

久客還家白髮新  
龍鍾贏得是閒身  
今朝偶向溪邊坐  
惟有青山識舊人

天淨波澄暑雨收  
蒼松影落釣魚舟  
青山本是閑邊友  
不獨忘機有社鷗

解后尋詩作勝游  
翠微深處山亭幽  
鳥啼花落春將去  
惟見寒泉石上流

碧樹陰陰帶翠灣  
板橋南下草亭閑  
誰知梅雨初晴後  
便有人來坐看山

樹林陰翳疑無日  
泉石清寒不待風  
露頂脫巾消散處  
坐忘人世在爐中

菁蔥樹隱赤闌橋  
浦溆人家望望遙  
開過桃花春浪暖  
閑看翡翠戲蘭苕

邛邛昏黑樹陰濃  
只尺湖塘路不通  
夜半風來吹散雨  
棹歌依舊月明中

題柱瓊草堂遺意卷二首

舊業成都萬里橋  
百花潭北草堂遙  
門無縣吏催租稅  
座有隣翁慰寂寥  
松影滿庭閑白日  
茶烟繞榻颺清飈  
酷憐杜甫成詩史  
翻笑揚雄作解嘲

草堂遺趾在重構  
剪荒榛松偃吳門  
月花移蜀地春流  
芳知有本繼業豈  
無人喜到瓊枝茂  
詩宗又一新

題避暑圖

巖前碧樹映樓臺  
檻外芙蓉籩午晝  
開不信清虛無暑到

直疑高處有風來

賦得龍門送范原紹應聘

凌雲峭壁聳崔巍不待神功禹鑿開  
一徑直通天上路雙崖隔斷世間埃  
雖無鎖鑰常關閉肯放豺狼恣往來  
今日送君騰躍起從龍為雨潤枯荄

游天池訪愷上人不遇

山中夏將半嘉樹敷陰重閑攜綠玉杖  
拄到青蓮峯苔徑少行客惟有舊游踪  
臨池滌煩襟萬壑來松風蘭若



倚天間嵒堯白雲封高軒敞巖穴疎櫺街翠濃未緣釋  
子共所欣良友同明當發毫素贅言貽愷公

青來軒為范原紹賦

青嶂排雙闥巍然南竹扉晴嵐凝客座涼翠襲人衣月  
為鳴琴出雲當卷幔歸還思郡齋裏曾對謝玄暉

贈致仕徐樂餘

白頭太守文章伯晚節桑榆景倍饒莫道戶庭常不出  
時還送客到溪橋

訪徐汝南

不覩南州已十年，許溪風景只依然。  
遂初軒下重逢日，共坐南薰雪滿顛。

題湖山小景

蒹葭渺無際，遠水接平川。  
閑雲曳歸鳥，影落鏡中天。  
若人載書畫，彷彿米家船。  
遵彼灌木陰，對此佳山前。  
誰能結鷗社，忘機終淡然。

題徐山人居

家住萬安山茅堂循翠灣邨連青嶂遠門掩白雲閑  
尊酒相娛樂朋游日往還長時開闕坐靜向碧窓間

奉親堂

人說錢郎孝親齊孟母賢朝耕南畝上夕拜北堂前  
映日春萱麗迎風綵袖偏旨甘能養志喜懼雪盈顛

題畫二首

天光雲影孤舟靜松韻濤聲六月寒非是市朝無夢到  
樗材只合老漁竿

梅柳大家白板扉  
蘋花開處水禽飛  
扁舟記得江鄉路  
蟹斲漁罾對夕暉

題王孟端松木竹石

中書舊宅九龍山  
石木踈篁靜掩關  
一自金臺仙去後  
空留遺墨在人間

題赤壁夜遊圖

丹山峭壁聳嵯峨  
江水無聲月色多  
漫興誰能重載酒  
洞簫吹和扣舷歌

江空木落肅霜天月影隨人也上船半夜濤聲驚鶴夢  
翻身篷底不成眠

竹浪軒

湘波萬頃淨纖埃嶰谷翻為灩澦堆風撼翠濤平地起  
雪消青漲屋頭來簾紋細蹴龍鱗動扇影輕搖雉尾開  
若從虛舟游世外肯騎翔鳳下蓬萊

遺安堂

迥臨城府闢書堂嘉樹扶疎翠繞牆近買故侯荒苑圃

勝教諸子藝麻桑一時劉表言辭易千載龐公興趣長  
我老無心在官祿秋風夏日自炎涼

送施鍊師濶靜佐武當五龍宮

仙袂遠辭雙鳳闕天書召赴五龍宮承來雨露清虛外  
步入烟霞縹渺中環珮珊珊搖曙月儀旌冉冉度春風  
佇看靜掃金壇夜端簡澄心祀碧空

重送

長揖謝流俗飄然出帝畿龍隨孤劍去鶴伴片雲飛符

篆留人世宗風振羽衣林泉明月在樽酒故人違

送翰林劉孟功姪鍾還吳

君家吳望族名冠儒林表自昔我先人素有通家好若  
翁余同庚交誼如管鮑翁也蚤世久余亦漸衰老阿戎  
能繼業丰姿美年少賦罷擬揚雄詩成驚謝朓一朝省  
世父治裝遠來到欲慰十載別不憚千里道再叙骨肉  
情重講家庭教談話每宵分尊卑愜懷抱昨承訪蓬蓽  
出迎雙屐倒從容問答間寒威頓除掃高門產麒麟吾

儕亦光耀正欣接吟席又復理歸棹草色瀛洲新鶯聲  
上林早相送出都門春江波浩浩

題畫贈鄉友朱景昭

我本麋鹿儔久居山水窟十年走黃塵雙髻生華髮愁  
來能自遣畫就即吟詩興至不可道醉墨交淋漓清風  
每盈襟白雲將隨席瀟湘與洞庭千里窮咫尺東吳有  
佳士觀光來國都手持一片玉需我作新圖胸中有丘  
壑肯為流俗寫感君交誼深何吝重揮灑青巒疊霄漢



綠樹帶烟霞悠哉清絕地彷彿似君家  
君家吾住近只隔東西水林下草堂開  
賓朋日延佇投老戀鄉土每畫想林泉  
形泊不能往空賦式微篇

為徐希孟題溪山風雨圖

濕雲壓嶺天宇低陰風號木山獸啼  
石林蒼莽晝如夜咫尺不辨東與西  
倏焉山雨隨風至萬壑千巖馳鉄騎  
老虬恣鬼驅羣靈起蟄靈湫忘歸去  
野翁張蓋如匆迫薄暮家中應有客  
不憚前村沽酒還畱客從容永今夕

憶昔年時來諸君入門西崦已浮雲閒庭落葉起蕭索  
空山暮雨來紛紛此時欲去無騶僕下榻感君延我宿  
坐久聽殘遠寺鐘談深剪盡西牕燭今朝偶得到林泉  
漫將圖畫繼當年乞身何日蒙恩澤歸向家山聽雨眠

送周文伯

通波亭下路烟草望迷漫春色相將暮晨征尚怯寒鄉  
關他夕夢尊酒暫時懽容易頭教白襟懷好自寬

送人還慶遠廬晦

論交何必舊傾蓋即相知政喜聽談講那堪話別離前  
言如有定後會豈無期萬里宜州路添多篋內詩

全孝堂為刲股年孝子賦

剪落紅鮮縷調和作肉糜供來香滿室嘗處雪盈匙母  
愈兒增喜兒癡母不知潘輿還舊里萱砌日遲遲

送朱給事中諒起復

東吳朱孝子北闕老朝臣報國丹心切居喪白髮新玉  
峰晴帶雪京樹遠含春共醉津亭酒帆開少故人

題倪雲林竹

與竹傳神勝寫生能兼書法藝尤精定知筆意雖殊俗  
不及雲林一種清

牧牛圖

水田高下秧針綠桑暗不聞鳴布穀家家牛閒僮亦閑  
盡向村前來放牧清晨騎牛出門去薄暮牽牛歸園宿  
郊原草肥牛可芻陂塘水暖牛堪浴風外時將短笛橫  
吹出無腔太平曲不愁身上衣裳單但願家中食充足

題湖山勝概圖

春深湖水碧如天  
雨後雲峰翠作鈿  
好是人家臨水住  
柴扉開近白鷗邊  
白鷗飛處林塘迥  
蒼松影落莓苔靜  
不放狂塵過板橋  
還從清士尋蘿逕  
過午北窓殘夢醒  
閒吟步上水心亭  
看盡征帆投極浦  
方聽漁唱滿前汀  
野翁載鶴來何處  
授與千錢堪買取  
會待他時養性馴  
相隨湖上尋梅去

賦得秦淮夜月送清平陳光遠

少年作客金陵遊，曾向秦淮夜泊舟。  
舟中明月窺人入，沙際寒烟貼水浮。  
此時孤坐心悽惻，對月思家眠未得。  
登岸敲開賣酒家，沽取一樽看月色。  
於今華髮住神京，卻來此處餞君行。  
清光見我還依舊，別思緣君倍感情。  
人生後期那可卜，且對姮娥勸醺醖。  
莫辭盡醉唱陽關，休聽隔江商女曲。

賦得烏衣夕照送人

朱雀橋頭閑眺望，垂柳陰陰覆深巷。  
春風搖蕩酒旗邊，

夕陽多在紅樓上經昔惟誇王謝家於今此地盛繁華  
驕驄絡繹穿芳樹飛燕高低拂落花長安大道連阡陌  
沽酒時來送行客明霞燦爛映酡顏倒景留連照離席  
金烏疾飛如電過黃昏促迫愁奈何何當重向巷南醉  
為君揮卻魯陽戈

題畫為范孟迪賦兼簡金尚素

吳中近代幾人畫山水黃鶴山人仙去丹林逝後來作  
者不無人名重於今能有幾憶昨少年時嗜畫復耽詩

到今兩無成白首空嗟咨范翁余忝絲蘿戚索我寫圖  
常未得今年作客來金陵復和衡門需路筆蹇余疾苦  
嬰懷抱况非昔感翁意誼久殷勤何辭眼翳心茅塞吮  
豪為作山居圖彷彿翁家移座隅清風林壑氣分爽落  
日禽鳥戶喧呼松根茅屋矮澗底草亭孤神隨雲出沒  
興與墨模糊圖成頗自清心目翁意超超仍未足明明  
須求尚索君揮灑淋漓成二幅

橫塘深趣



周郎舊業橫塘東山明水秀清無窮軒窓景致四時在  
佳趣不與尋常同烟霞縹緲成林壑竹樹縈迂帶村落  
山寺鐘來近上方石橋路轉通新郭日午汀洲花盡開  
人家臨水半樓臺畫船載酒春趁客時擁笙歌水上來  
高堂永晝簾齊捲閑外風微柳垂軟開庭千頃綠陰濃  
隔墅一聲黃鳥轉誰能高遁老江鄉琴書終歲樂徜徉  
陰陰門巷連桑柘漠漠湖田移稻梁嗟予十載去鄉里  
客舍半間闌闌裏短筇擬欲訪林泉重賦歸來卧雲水

湖山耕樂圖

徐翁住近萬安山結茅數椽臨翠灣良田一望知幾畝  
茫茫遠接太湖間清晨荷鋤戴經去岸草垂垂未晞露  
再耕再讀神忘疲幾度歸來日將暮邇年漸覺筋力踈  
課子耕耘仍讀書桑麻繞舍供蠶績禾黍登場收歲租  
羨余辛苦甘農作仰不愧兮俯不忤堂上親存兄弟安  
若箇如翁有斯樂黃鷄正肥白酒醇掃室時復聚比隣  
謳歌鼓腹唐虞世却笑桃源避地人

送周奉祀起復

君住盤陽古廟灣，縉居西郭虎丘山。  
聲跡遠去無十里，髻鬕即與相往還。  
君嘗筮仕居清職，我後例遷來上國。  
家山別去同幾秋，臨風神關長相憶。  
今年縉得省慈闈，君丁內艱回故扉。  
正喜重逢在鄉里，那堪起復上京畿。  
殷勤餞別閭門外，花時津亭春似海。  
清樽良會冬有期，白髮故人能幾在。  
明日簪纓列早朝，丹墀拜舞聽蕭韶。  
會關暫脫班衣亟關擬來尋白下橋。

琴月雙清為俞彥行賦

石壇露濕參差桂金粟凝香秋欲墜仙人獨抱玉壺冰  
忘坐涼茵翠莎地啟囊促軟膝上招素商繞指風泠泠  
姮娥久居東海底聆音瞬息來青冥寒兔停春耳傾倒  
蟾蜍晴炯光相射萬籟無聲聲愈清九天一掃雲潛跡  
絃潤徽寒灝氣濃心神融會廣庭中夜深曲盡振衣起  
俯視八極塵氛空

匡山杏林圖

聞說匡廬杏春風別有涯仙林張錦綺人世委泥沙賣  
實憑馴虎培根任病家願為園藥叟來此度年華

蕭寺尋僧圖

極目蕭山寺岩巖在越溪風傳鐘遠近雲接樹高低別  
去情無已重尋路不迷何時乘老興登眺策青藜

挽張令尹

作宰名方振為儒志竟違鵬從官舍集鶴向海天飛花  
縣塵生席琴堂月掩扉傷心有難弟函骨望東歸

題思親堂

老親留故國游子在京畿  
萱砌花頻易椿庭葉漸稀  
瞻雲愁滿眼聽雨淚添衣  
安得身生翼凌空一羽飛

送六坦歸江陰

公紀觀先至思家又欲歸  
香凝懷橘袖春上舞萊衣  
楚甸山容淨澄江樹色微  
舟行莫停滯新闕正雙扉

次陳景中會友詩韻

高朋傾盖日況遇白頭新  
樽酒懽重會歌鐘動四隣  
襟

懷清似水和氣盎如春座上投壺客應知有祭遵

送濮公遠丁母憂還吳

昔同遊里閨今共客京畿俄爾聞親訃翻然別我歸墓  
田松鬱鬱江店柳依依相送春將暮因之淚滿衣

送吳廣文起復赴北京

故鄉新服闋上苑喜重遊晴歇黃梅雨涼生白鷺洲儒  
風仍振作師道復何求相送金臺去征帆不我留

送清涼寺僧住安國講院

清涼開講後安國已書徵杖錫隨緣住心懷徹底澄鳳  
臺成遠別獅座擬高登便欲相從去皈依問上乘

題畫

中吳佳勝地見畫想林泉門掩青山裏窓開綠樹邊身  
閑無俗慮日晏尚高眠今日翻為客當年半是仙

賦得鳳臺烟樹送客

鳳臺南下路烟樹萬家春黯淡迷淮甸微茫接漢津連  
陰詩思積入暮別愁新目斷天低處依依似送人



寄金文鼎

同住京華久論交  
已廿秋琴樽慙作伴  
詩畫忝為儔  
顧盼推青眼  
蹉跎竟白頭  
江鄉雖有夢  
何日共盟鷗

寄醫士蔡足林

高齋閑對客談論  
若懸河俗處心常靜  
年增髻未皤  
日邊紅杏滿  
林下紫芝多  
到處醫名在人稱  
作華陀

寄盛子勉

投閑居別業  
近市闢書堂  
絳帳朝談永  
青衿晝誦長  
卧

聞床蟻闕坐看隙駒茫醉裏彈長鋏高歌甚激昂

寄馬谷中

憶結金蘭契今如骨肉親尚憐俱在客相對兩忘貧話  
愜清尊晚歌酣畫舫春故園同會者屈指漸無人

寄蘇性初

辭親遊太學歲月去駸駸夜雨青燈夢秋風故國心一  
官還未遂三歲又將臨早晚重歸省相隨賴有琴

寄沈公濟

蕭齋嬰疾久不覩沈休文枕畔愁添雨天邊日斷雲丹  
青誇獨步顧陸願同羣擬剪西窓燭連床話夜分

贈朱少府

才德居人上蹉跎在客邊青雲程暫阻白首志彌堅未  
慮多詩債惟愁乏酒錢識荆長恨晚傾蓋即忘年

送趙醫士之北京

纔聞來白下又見赴金臺藥裏憑廬去家書寄雁回人  
依秋水別帆趁曉風開何日重相會山房酒一杯

送舉人陳永言會試

歲晚趣行裝來春赴選場看花鞭拂露折桂袖添香金  
榜名題上青雲路去長瑤林筵宴畢衣錦早還鄉

題蔡芝林壻顧生林塘書屋卷

幽人卜築向林塘挿架圖書萬卷藏白板扉開山對面  
赤欄橋跨水中央佳賓日日來閑逕小犬時時吠短牆  
簾簾展來欺竹色湘簾捲處動波光蒼松露滴琴聲淨  
玉塵風含笑語涼渺渺鷗邊菰葉短輕輕燕外柳絲長

回飈靜聽牙籤響清晝時聞鴈甕香未暇賦詩招隱逸  
從教濯足咏滄浪憐君有志營先業嗟我無由老故鄉  
珍重却翁尤好事何妨佳壻坦東床

題畫

沙暖泥融燕雀喧春風花柳自村村不因西舍漁歸曉  
林犬何由吠出門

松撼濤聲萬壑風桃花隨澗落飛紅明朝試聽絲桐去  
只恐雲山無路通

度磳穿雲已倦行林邊久聽午鷄鳴書聲只在茅堂上  
深掩衡門未出迎

樹遶村前苔滿逕山如罨畫水拖藍田家社散春風裡  
相送柴門日又酣

逢陳弓秀才

獨坐清溪野水濱歲寒逢友勝逢春還家故舊如相問  
老我京華白髮新

題畫馬二首

何處歸來汗未乾  
柳邊牽引卸金鞍  
九郊首宿生應遍  
飽食長懷補報難

青絲絡首氣軒昂  
汗血曾經幾戰場  
雖是老能知古道  
敢言乞放華山陽

詠梅

橫在溪橋野水濱  
半含殘鴈半開春  
風傳香去無多遠  
便有來尋杖策人

題竹

吟邊相見忽驚秋  
節粉凝香宿雨收  
簾捲客堂清似水  
涼聲只在翠梢頭

舟泊黃陵古廟前  
湘雲籠月淨娟娟  
酒醒孤坐蓬窗底  
聽徹龍吟未就眠

碧桃花

城南顧靜翁軒前  
碧桃盛開招賞酒  
半座客蔡元昶以  
軒前一樹碧桃花  
為起句賦詩四絕  
因命余之和云



軒前一樹碧桃花洗盡濃華瑩倍加自念靚粧無艷色  
開時長負客來誇

軒前一樹碧桃花底事東君別有涯幾度自開還自落  
不隨紅紫競韶華

軒前一樹碧桃花溫潤丰姿絕玷瑕寄語水晶簾幙下  
紅塵飛不到窻紗

軒前一樹碧桃花冷笑無言度歲華蝴蝶飛來人不見  
霜禽唳斷日將斜

丁酉歲閏五月病目三首

伏暑蕭齋決二旬  
眇膠雙目汗粘身  
案頭筆研都拋却  
暫謝門前索畫人

金風昨夜送秋來  
病眼今朝稍覺開  
堦下決明垂小美  
呼兒摘取進茶杯

病目將來一月餘  
背窓愁卧廢觀書  
黃連洗盡渾無效  
苦入肝腸幾日除

過范氏山莊

林靜書聲隔崦聞輪蹄不到絕囂氛  
天寒鶴立蒼松久  
童子開扉掃白雲

獨坐

雲開水淨樹依稀  
無限秋光帶夕暉  
癡客未知緣底事  
每來吟坐便忘歸

送朱茂才

獨抱雙桐出帝畿  
滿襟風日思依依  
江梅未許隨詩擔  
只有青山送客歸

青樓怨

鈿箏理罷久支頤  
簾外黃昏月上時  
鶯去燕來春暗老  
含情惟有鏡鸞知

琵琶

鷗絃鉄撥裁札槽  
清夜聽來調更高  
莫把潯陽江上去  
彈時司馬濕青袍

送陳述

旅況宦情看老大  
萍飄雲聚本無期  
莫言會面還分手

全勝相思未見時

不寐

數盡寒城下五更風窻燈暗月微明  
客邊寂寞尋常事底事今宵睡不成

出郭

隔岼晴山翠黛橫綠溪綠樹亂啼鶯  
草香花落春泥軟杖履從教緩緩行

訪陳校理

卷下  
家住青山若箇邊  
白雲無路樹參天  
讀書聲裏蘿窓午  
風散烹茶一縷烟

溪上三首

寂寂春風溪上亭  
遠峰疎柳映新晴  
乘間時有人來坐  
聽徹黃鸝三兩聲

身閑物外久忘機  
日日垂竿坐釣磯  
隔岸野花無數發  
傍人水鳥一雙飛

屋畔青山是近隣  
門前流水隔紅塵  
莫言地僻輪蹄少

時有催詩索畫人

友松軒

軒下雙松異俗流一從栽日便交游  
風前吟處聲長答月下行時影每留  
華髮別來驚似鶴蒼髯老去竟為虬  
竹多冷淡梅多瘦歲晚相依獨汝儔

題畫

石林雨歇烟嵐重溪澗風迴水紋動  
佇看亭上坐幽人彷彿君家賢伯仲  
伯氏焚香對簡編仲氏整襟聽講誦

金匱要略卷下  
長時有客招絲桐更與閒邊作清弄

凝香閣選入湖海耆英集

小院深沈蓮漏永銀葉輕盈覆螭鼎東風不起繡簾垂  
雨重雲母晴烘影宿醒未解枕還欹夢遶屏山午篆移  
花染蝶鬚春栩栩烟蟠鵲尾晝遲遲銅溝氣暖羅衾薄  
肌骨清融神未覺起來捲幔久支頤滿架薔薇已開萼  
題陳主事元宗漁洲雅集詩用秋來鳬雁下方塘

元韻



良辰羣彥集飲餞臨芳洲涼颼除炎暑川澤含清秋浩  
然吟興發庶或寫離憂

可憐磐石上垂柳拂行杯新妝明水底木末芙蓉開蕩  
舟人遠近風外送歌來

秋風水祠下踈柳映菰蒲酣吟遠眺處歸艇逐飛鳧雲  
外香臺出烟中絕島孤

殺箴雜前陳絃歌坐相間解衣岸烏紗夷踞忘簡慢何  
處送秋來江洲一聲鴈

舸艦迷清津衣冠耀朱夏勝賞繼蘭亭清高擬蓮社東  
人與朱闌西日且遲下

宴酣執子手問子之何方徵書天上來端簡朝明光去  
去各努力秉心惟忠良

疎鐘來遠寺暝色起橫塘佳會諒難再盟心那可忘他  
年尋舊跡烟水浩茫茫

送陳宗應醫士薦

讀書遵孔孟應薦就軒岐濟世皆行道資儒易入醫月

昏征鴈杳天濶去帆遲到日書頻寄雙親慰所思

題盛子昭畫

衡門靜掩春陰裏滿地濕雲飛不起柳絮飄殘淡蕩風  
桃花開過清明雨屋前屋後是涯山半擁青螺半翠鬟  
最峻一峰高突起直疑飛上層霄間湖波潏灩通平遠  
林木參差帶長坂風汀漁笛弄淒清烟寺僧鐘促昏晚  
我本林泉蕭散人年來衣染玉京塵今朝見畫思田里  
目斷江南烟雨春

正月三日陪陳士初錢孟書游北禪寺訪瑾上人  
不過分韻得欸字十六韻

昨見葭灰飛玉管已覺陽和布晴暖條風吹綠草萋萌  
殘雪消寒柳絲短新正擬欲棕春游今朝便有尋詩伴  
青鞋布襪慣林泉華髮心情厭亭館北禪古剎吳城隍  
眼界清幽塵跡斷辟賢偶集本無期去路雖遙亦何憚  
行行不覺到旃檀一經蒼苔平且坦有意來叅孚尹師  
適逢飛錫歸遲緩惟存法王梵公像跌座繩床衣偏袒

山童見客遠相迎作禮殷勤為延款盛來香粒堆飯盂  
供處白雲浮茗盃嗟余夙抱烟霞癖野性不羈久疎嬾  
深冬遠自白門還巾染黃塵衣未澣幸叨方外相追隨  
得遂閑邊共蕭散襟懷頓豁吟思增人境俱寂清風滿  
詩成坐待師不還白雲散漫無拘管

友人嚴文昌近應醫士薦余先之京賦詩留別

老年誰不顧家鄉富貴逼人那可量每嘆胸中無異術  
何如肘後有奇方余因身寄先移棹君為情牽未趣裝

早晚重逢

闕

闕

寒衣坐就石苔邊  
林壑風生未暝天  
彈罷焦桐清興在  
靜看秋磴落飛泉

次胡闕

送施友政詩韻四首

青年富貴老儒心  
不下書帷惜寸陰  
清興每緣閑處適  
新詩多為故人吟

水榭風亭處處宜  
清尊閑話晚涼時  
莫辭醉卧屏山月

他日重過未有期

故人別去歲駸駸  
桐長孫枝翠十尋  
誰料京華重見面  
欣然不改舊時心

軒牖凝清暑氣微  
嫩涼光襲芰荷衣  
故人忽起蓴鱸興  
吟倚秋風日送歸

林塘深處

家住林塘第幾灣  
門前流水屋頭山  
更無車馬來喧擾  
只有漁樵伴往還

訪友人

久客還家兩鬢絲  
蒼松影裏步行遲  
故人住在南山口  
不厭長來計較詩

贈張德譽

同是長洲苑外人  
常時會面動經旬  
一從來作京華客  
日日相過不道頻

客舟夜行

歲晚歸心促  
黃昏尚在途  
溪聲隨棹遠  
月色照人孤  
不



寂憐舟子催眠笑僕夫毗陵過夜半城上已啼鳥

長夜

長夜不眠思往事老年蕪學嘆平生撥殘爐火知霜露  
挑盡燈煤待月明桐抱孫枝交瘦影雁聯賓侶帶寒聲  
江南江北遙相望烟水迷茫萬里情

寄沈醫士

酒滿春城花滿樓少年為客不曾愁如今老去心猶在  
乞取丹砂換白頭

白門秋夜

月上疎櫺酒半醒  
解衣就枕近初更  
睡來莫作還家夢  
夢覺思家睡不成

仙家

神棗如瓜世所知  
龍隨杖化亦何奇  
春光長占瑤池上  
不信蟠桃結子遲

江邊柳

別君惟怨春不怨  
江邊柳欲贈倦攀條  
東風吹入手

贈別曲

驅車早出門河漢星斗轉不憚路途長獨憂心跡遠

竹枝詞

水面風來浪簇花山頭月出樹驚鴉葉凋尚有歸根日  
郎去如何不憶家

次金二秀才鉉見寄韻

迢遞關河阻淹留歲月長孤身仍在客多病轉思鄉易  
醉三杯酒難消兩鬢霜安能生羽翼霄漢遠翱翔

冬曉

月色霜華遍九衢  
箭催寒漏滴銅壺  
孜孜盡逐鷄鳴起  
若箇來分舜蹠徒

清風樓

中書王逸少寫竹更奇哉  
素壁千竿出清風  
四座來披襟當爽塏  
掃榻絕塵埃  
何日重登眺對君懷抱開

題雨竹

濕雲飛出研池空  
滿紙離離醉墨濃  
翻憶瀟湘聽雨夜

思君不寂在孤蓬

題范氏麥舟圖

道出丹陽郭相逢石曼卿三喪憂亦重滿載棄何輕不  
獨賙人急先能契父情從茲郭元振跬步待徐行

喜雪

一冬慳雨水四野望陰雲不意蒼穹變俄看瑞雪紛  
槁枯回地脉恩澤仰天君歲暮無聊客惟應賴酒醺

江亭秋望

林亭寂靜俯江流  
天淨波光暑雨收  
吟處詩人閑對席  
望中仙侶遠同舟  
老年未減滄洲趣  
清興難忘赤壁遊  
莫遣西風吹客鬢  
鱸肥蓴冷不勝秋

樵樂軒


倦隱溪渚與隴耕  
甘同木客契高情  
空山寂寂人稀過  
深谷嚶嚶鳥自鳴  
半卷殘書行且誦  
一瓢春酒醉還傾

闕

啓東醫學將還吳葵丘謝縉為寫雲陽早行圖并

詩以贈時永樂丁酉歲十月既望也

故人明發處不寐聽晨鷄喜色盈眉睫輕風入馬蹄毘陵山遠近茂苑樹高低料得還家夜相思月滿溪



蘭庭集卷下